


2010-mit 2019-imut nuna tamakkerlugu naatsorsuutit

2019-imi aningaasaqarneq 1,7 pct.-imik qaffariarpoq

2019-imi Kalaallit Nunaata aningaasaqarnera 1,7 pct.-imik pitsanngoriarpoq. Piffissami 2010-miit 2018 ilanngullugu agguaqatigiissillugu BNP ukiumut 1,1 pct.-imik qaffariartarsimavoq, taamaattorli ataani titartakkami takuneqarsinnaasutut ukiumiit ukiumut nikerarnerit annertusarsimallutik.

Titartagaq 1. Tunisassiornerup nalinga (BNP), akit qaffakkiartornerat peerlugu



Atuineq ineriartortitsisoq

2019-imi aningaasaqarnerup ineriartornera nunatsinni atuinermik annerusumik pissuteqarpoq, annermik pisortat atuinerat aammalu aningaasaliinerit qaffassimammata. Aamma inuinnaat atuinerat annertuseriarsimavoq, kisiannili pisortat atuinerannit qaffariarpoq annikinnerusimalluni. Tamanna takuuk saqqummersitami kapitali 2-mi.

Takussutissiami 1-imi takuneqarsinnaavoq BNP akini ingerlaavartuni aammalu BNP akusimasunit kisitat akit qaffakkiartornerat peereerlugu ineriartornerat. BNP akusimasunit kisitat inummut ataatsimut naatsorsornerani 2019-imi 277,2 tkr.-inngorsimavoq 2018-imi 273,2 tkr.-iusimasoq. Taamaalilluni 1,5 pct.-imik annertuseriarsimavoq.


Takussutissiaq 1. BNP aamma BNP innuttaasunut agguarlugu

	2010	2011	2012	2013	2014	2015	2016	2017	2018*	2019*
	Akit ingerlaavartut									
BNP, mio. kr.	14.078	14.412	15.116	15.080	15.951	16.814	18.224	18.829	19.199	19.890
Innuttaasunut agguarlugu, 1.000 kr.	249,4	254,6	266,4	267,5	283,4	298,7	326,3	337,1	343,6	355,2
Naleqqersuut, 2010=100	100,0	102,4	107,4	107,1	113,3	119,4	129,4	133,7	136,4	141,3
Ukiumut BNP-ip ineriartornera	3,8	2,4	4,9	-0,2	5,8	5,4	8,4	3,3	2,0	3,6
	2010-mi akit, akusimasunit kisitat									
BNP, mio. kr.	14.078	14.008	14.203	14.019	14.684	14.312	14.983	14.990	15.267	15.523
Innuttaasunut agguarlugu, 1.000 kr.	249,4	247,4	250,3	248,7	260,9	254,3	268,3	268,4	273,2	277,2
Naleqqersuut, 2010=100	100,0	99,5	100,9	99,6	104,3	101,7	106,4	106,5	108,4	110,3
Ukiumut BNP-ip ineriartornera	1,7	-0,5	1,4	-1,3	4,7	-2,5	4,7	0,1	1,8	1,7

Nuna tamakkerlugu naatsorsuutit FN-ip nunanut tamalaanut naatsorsueriaasissatut najoqqutassiai malillugit naatsorsugaapput, tamatumalu ajornarunnaarsippaa Kalaallit Nunaata aningaasaqarnerata nunanut allanut najoqqutassianik malinnittunut sanilliunneqarsinnaanera. Titartakkami ataaniittumi Kalaallit Nunaanni aningaasaqarnerup ineriartornera nunanut toqqakkanut arlalinnut, nunallu OECD-mut ilaasut agguaqatigiissillugu ukiumut ineriartornerannut sanilliunneqarpoq.

Titartakkami erserpoq Kalaallit Nunaata aningaasarsiornikkut ineriartornera 2019-mi OECD-mi nunanut sanilliullugu qaffasinneralaarsimasoq. Taamaattorli 2015-miit 2019 ilanngullugu agguaqatigiissillugu naatsorsuineri paasinarsivoq Kalaallit Nunaanni qaffariaat annikinnerpaasoq nunanut pineqartunut sanilliullugu.

Titartagaq 2. Kalaallit Nunaanni nunanilu allani BNP-p ineriartornera 2015-2019



Najoqutaq: OECD.org

Nuna tamakkerlugu naatsorsuutit naalisarlugu

Nuna tamakkerlugu naatsorsuutit tunisassiornermit aallaavillit inuiaqatigiit aningaasaqarnerata ineriartorneranik ersersitsisarput. Naatsorsukkat takutittarpaat inuutissarsiuutit inoqutigiillu aningaasaqarnerat, minnerunngitsumillu avammut niueqateqarnerup ingerlarnga. Taamaasilluni nioqqutit kiffartuussinerillu pilersiorneqartut atorneqartullu

naatsorsuusiaticig takussutissartaqalersarput. Saqqummersitaq manna, Naatsorsueqqissaartarfiup saqqummersitaani nuna tamakkerlugu naatsorsuutini ukiunik arlalinnik tunngaveqartuni, qulissarivaat.

Nuna tamakkerlugu naatsorsuutit 2017-moortut naatsorsoqqissaarneqarsimalerput, taamaasillutillu inaarutaasumik saqqummiunneqarsinnaanngorlutik. Naatsorsueqqissaarinerit nutaat BNP allannguuteqartippaat. Nuna tamakkerlugu naatsorsuutit inaarutaasut naatsorsoqqissaarnerisa 2018-imut aamma 2019-imut BNP-mik missingersuusiortoqarsinnaalersippaat.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Pisariaqassappat saaffigineqarsinnaasoq:

Josef Kâjangmat
E-mail: joka@stat.gl

Najaaraq Christiansen
E-mail: nakr@stat.gl

Nuna tamakkerlugu naatsorsuutit
30. november 2020

Naatsorsueqqissaartarfik
Postboks 1025, 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: ststat@stat.gl

